

X, *quondam* sier Nicolò. Et nel venir zoso sopravene uno temporal cativissimo, con vento et pioza, *adeo* assaissime barche si rupe e roversò, navilij in canal di San Mareo andono tressi, et assa' persone si anegono, tra i qual, da conto, sier Nicolò da cha' da Pexaro, fo governador di l'intrade, *quondam* sier Antonio, qual veniva di vespero di San Zorzi, et fo trovato sora la barcha anegato verso San Biaxio Catoldo. Fo stranio caxo; et si ozi non era conseio, molti patricij si anegavano, perchè sariano stati in le so barche.

A dì X. Fo pregadi in materia *Alexij*. Parlò sier Antonio Loredan, el cavalier, savio dil consejo, sier Pollo Pixani, el cavalier, savio dil consejo, et sier Marin Zorzi, dottor, savio a terra ferma; *nihil conclusum*, et restò consejo di X suso.

A dì XI. Fo consejo di X, con zonta di colegio. Noto, è capi di X questo mexe: sier Alvise Michiel, sier Piero Capello e sier Marco Antonio Loredam, nuovo, fo podestà e capetanio a Treviso.

12 *A dì 12 zugno.* Da poi disnar sier Lorenzo Venier, gobeto, *quondam* sier Marin, procurator, qual studia a Padoa, havendo posto certe conclusion, *imo* molte, qual fo butate a stampa, con intencion di andar a Roma e li dottorarse et ivi disputarle, or ozi, in chiesa di frati minori, fece il principio et una oration. Et fu assa' patricij invidiati, arguì domino Laurentio Bragadin, di sier Francesco, leze in philosophia, sier Zuan Badoer, dottor, cavalier, sier Marin Zorzi, dottor, et altri frati. Et cussi alcuni zorni seguite, che l'predito era cathedrante et disputava ditte conclusion. La fin fu, che poi l'andò a Padoa et ivi si dottorò *etc.*

Da poi disnar fo conseio di X semplice.

A dì 13, fo Santo Antonio di Padoa. Poi fo collegio.

A dì 14. Fo pregadi. Fo provà i patroni di Fiandra, qualli dieno meter bancho et expedirsi per andar al viazo, capetanio sier Vincenzo Capello, *quondam* sier Nicolò.

Item, fu posto dar provision a domino Dionisio di Naldo, cuxin di domino Vincenzo, qual *etiam* lui è stà causa si habi Faenza, et è di primi di Val di Lamoni; et fu dato tanta provision et danari, *ut in parte*, et fato cavalier per il principe.

A dì 15. Fo gran conseio: et *tandem* fu ballotato el canzelier grandio in Candia. Et rimase Enea Carpenio, zovene, qual fè gran pratiche et havea le leze nostre a man; et qui soto sarà notado il scurtinio.

Nominati canzelier grandio in Candia.

Zuam da Chioza,	98.948
Nicolò Stellà,	667.389
Andrea da Porto, di Crete,	174.874
Francesco Masser,	172.881
† Enea Carpenio, nodaro a la canzelaria,	740.323
Bernardin Borgondi,	133.908
Francesco Aurelio, fo canzelier a Modon,	599.933
Piero di Usnagi, nodaro al zudega' di fo-	
restier,	370.669
Alvix Formento, nodaro ai signor di	
note,	236.754
Francesco Marzello,	191.801

A dì 16, domenega, fo il zorno di San Vido. El principe, giusta il solito, è ubligato, poi fata la precession, e andato per terra a San Vido, dove si fa un ponte su galie che passa di là, et ivi udito messa, fa pranso a 40 zenthilomeni invidati; et questa precession si fa per la vitoria contra Bajamonte Teupulo. Or ozi il principe non vi fu, per esser amalato, ma soa serenità mi mandò a invidar; et cussi vi andai insieme con li sotto scripti. Et acompagnò la Signoria do procuratori invidati, sier Nicolò Michiel et sier Thomà Mozenigo, ma non disnono col principe, perchè che procuratori non solita disnar col principe. Et questo si chiama el pasto di zoveni, poi è quel di la Sensa, poi quel di San Marco, di april, quel dil zorno di San Stephano, *ergo etc.*

Questi fonno al pasto el zorno di San Vido con la Signoria. 12

Sier Domenego Beneto, consier,	
Sier Andrea Venier, consier,	
Sier Lorenzo di Prioli, consier,	
Sier Alvix Belegno, cao di 40,	
Sier Marco Zacharia, cao di 40,	
Sier Bernardo Bembo, dottor, cavalier, avogador,	
Sier Beneto Sanudo, avogador,	
Sier Lucha Trum, avogador,	
Sier Piero Capello,	} cai di X,
Sier Alvise Arimondo,	
Sier Marco Antonio Loredan,	
L' orator di Ferara, sollo,	
Sier Andrea Mozenigo, dottor,	
Sier Marcho Gradenigo, dottor,	
Sier Antonio Badoer, <i>quondam</i> sier Marin,	
Sier Alvise Zorzi, <i>quondam</i> sier Antonio, cavalier,	